

مکتبہ اسلامیہ

ادبی و سیاسی رسالہ اسبوعیہ در

۳۱ نجی سنہ

۱۱ ذی القعدہ ۱۳۲۹

پنجشنبہ

جزء عدد : ۱۱۹

(مابعد عن جزو ۱۱۸)

ناظر پاشا — اوراق و مکاتیب متعلق هیچ برشی گوسترمدیگز می +
 بن — عرض ابتدیکم کبی آکا ارانہ اوله جق هیچ برشی یوقدی .
 ناظر پاشا — او حاضر ایکن دروتی کوره بیله جکی هیچ بر (چکمه) یاخود
 اوراق بولندیریلان بردولاب فلان آچادیگز می !
 بن — خیر . غرغور حاضر ایکن نه بر چکمه بیله نه ده محرراتمک محفوظ
 بولندی دولا به ایچی اوزاندم .
 ناظر پاشا — تحف شی !
 بن — نه اولمش !

ناظر پاشا — نه اوله جق ، مقوا چکمه لردن برنده لوندرده بولنان جبل لبنان
 بر هیئت فسادیه ایله اولان مخبر انگری گوسترمشسکزر . بردسته یگر می قدر مکتوب
 ایتمش . بو هیئت فسادیه صریحه و ترکیه برر غزته نشر ایده جکمش . سکسان بیک
 لیرا سرمایه ایله تشکل ایتمش . سز آنلره حروف دو کدیروب گوندرد جکمشسکزر .
 هیئتک بوراده مخبر منفردی ایتمشسکزر . نامگز نه ایکی بیک لیرالق بر (قره دی)
 آچمشلر . بومطبعه ایچون اقتضا ایدن حروف ایله ادوات طبیعی سز درعهده
 ایتمشسکزر . ویردیکی جرنالک خلاصه سی بودر . برده شرط اقامه ایتمش ؛ ذات عالیکنزله
 مواجهه یی قبول ایتمور ؛ « در حال خانه سی و مطبعه سی باصیلوب اجرای تحریرات
 ایدیلور ایسه اوراقک اله کچیریله جکمی تأمین ایدرم .» دیور . بن بونک صرف اختراع اولدیغنی
 در حال فهم ایتمدم ، چونکه اوروپایه کیدن جبل لبنان بر هیئتله سزک آره کزله
 هیچ بر ماسبت متصور دکلدز . ثانیاً لوندزده نشر یایده بولنه جق بر هیئت بورادن
 حروف تدارک نه مجبور اولسه بیله ادوات طبیعه ده سزک وساطتکزه محتاج اوله ماز .

زیرا لوندرد کبی ادوات طبعیه نك انواع و اعلاسی مبذول اولان بریرده ایستیلان
ما کنه و سارہ بی تدارکده کی سهولت معلومدر . بوجرنالك لقیله سزى جلب
و استنطاقی و مسکنگزله مطبعه کزده بولنان اوراقك ضبط و تدقیقی آمر اولان
تذکره بی اوقودینم وقت قطعاً اندیشه یه دوشمدم . یالکز بوجرنالك اختراع و تقدیمندن
مقصدی نه اولدینغی بردرلو تخمین ایدمه یورم . بوجرنال البته بر مقصد مخصوصه
مستند اوله جق . و او مقصده بر ییوک منفعت تأمیننی تضمن ایدمك . بوقسه
ترفع رتبه و یاتبدیل نشان ایتمك کبی بر امانیه یولنده بوقدر داللی بوداقلی افترايه
احتیاج بوقدر .

بن - (پاشا بوسوزلری سویلرکن مقصدی کشف ایتمش اولدینمندن
دیدمك :) غرغورك بوجرنالی حقیقه ابلیمسپسند وصفیه توصیف اولمغه لایقدر .
چونكه کندیسی ایچون تام یدی یوز یتمش لیرا تأمین ایدبور .
پاشا - فصل . بوباره بی کیم ویره جك ؟

بن - کیم ویره جك . بن ! چونكه بنم پرنس ابراهیم پاشاده کی مطلوبم دردت
یوز انکلیر لیراسی ایدی . اقامه دعوا دن بری تراکم ایدن فائض ده ۳۷۰ انکلیر لیراسنه
بالغ اولمشدی . بن غرغورایله عزیمت و عودت مصر فی کندوسنه عائد اولمق اوزره
بوبارمك ۱۷۰ لیراسنی آکا ترك و او بولده بر مقاوله عقد ایتمش ایدمك امضا و تعاطی
ایدیلان (نسختین) دن بری ، دون مدیر افندیك آلدینی جز و دانمك ایچنده در .

غرغور بوجرنال ایله بنی توقیف ایتدیره جکئی و هیچ برکاغد چیقمق احتمالی
اولدینغی بیلدیکی جهته ذات شاهانه نك پك زیاده شبه و وسوسه ده قاله جغنی و بوسیدله
بنی طول مدت یا ضبطیه ده موقوف بولندیرمق و یا خود بر طرفه تبعید ایتمك
ایستیه جکئی حاصلی ۲۴ تشرین اول افرنجیده (تربیونال میقست) ده وکالتنامه .
مسجل ایله اثبات وجود ایدرك یاره بی قبض ایتدکدن صکره نتیجه حاله انتظار آ بر مدت
مصرده قانی و مأمولی وجهله بن بر طرفه کوندرلمش ایسم راحجه یارمك اوستنه
یاتغنی و شاید قریب لیر ایسم بکاده بر طاقم موال اوقویه رق یارمك نصفنی اولسون
حق یاتغنی بولر ایتمش و تأمین مقصد ایچونده بوجرنالی ترتیب ایلشدر . بونی

بکا خبر و یرمک ایله پک بیوک لطفده بولندگز . اولا بوکیجه راحت بر او یقو
 او یویه جفم ، ثانیاً یارین در حال غرغوری و کالتدن عزل ایله ذاتاً بودعوایی بو پرده سهیه
 کتورمش اولان برنسس نازلی خانمک آووقاتی موسیو (قارتون دوبیار) ی توکیل
 ایده جکم . بوکا دائر یارین صباح و اسباب بیان ایدرک سزه بر بیاننامه تحریر
 و تقدیم ایدرم . اوصورتده یازم جفم که بومسئله نك غرغور طرفدن اختراع ایدلمش
 اولسنه حکم ایدیله بیلسون .

پاشا — حقیقه ای کشف ایتدیگز . ملعونک بومقصده ایشه کیرشمش
 اولدیغنده بنمده شهیم قالمدی . امان حسنی افندی ایشی سز مسون .

بن — آندن امین اولنگز . بولطفکزی سوء استعمال ایتک ، هر هانکی
 بر خصوصات اخلاقیه منافی اولسه بیله کندیمی ورطیه آتمقله برابر در .

بر ساعت قدر امتداد ایدن بومکالمه نك ختامنده پاشا : یانامک مابین او طه سنده
 احضار ایدلیدیکی و نه وقت آرزو ایدرسم گندی خوابکا همده بولنیورمشم کبی کال
 حضور ایله یانه بیله جکمی اخطار ایدرک حرمه کندی . بزده حسین داسم بک ایله
 طعام سالونه گبرک .

ایرتسی صباح یانافدن قالقار قالقماز آقشام قرار و یردیکم بیاننامه یی یازوب
 حرمدن جیقیدی وقت پاشایه و یردم . در حال برتد کره مخصوصه ایله مایینه گوندردی .
 چونکه وکیل عزل ایتک آسان ایهده اراده سینه ایله موقوف اولان بر آدمک
 مصرده بر آووقاتی توکیل ایتسی استیذانه متوقف اولدیغدن و بواسیذان ایهده
 مؤکافی اخبار ایدن بروکیل حقنده سوء ظنی دعوت ایده جکندن ، هر حالده بنم
 حقممده خیری ایدی . نه کیم تذکره نك یاور مخصوص ایله مایینه گوندرلیدیکندن
 ایکی ساعت صکره جوابشک آرزومز وجهله ظهورندن مطلوب اولان تأثیرک
 حاصل اولمش اولدینی آکلاشلیدی . چونکه تذکره جوابیهده (حقوقش ضیاغه
 محل و یرلامسی) تعبیریه قارتون دوبیاری توکیلله مساعده ایدیلوردی .

اوگون و کالتنامه یی یازدم . و ناظر پاشانک عدلیه نظارتندن استپان افندی
 نامنده قوناغنه جلب ایلدیکی مقاولات محررینه (قارتون دوبیاری) تسجیل

ایتدیر کدن صکره خارجیہ نظارتہدہ اصولاً لازم کلان معاملہ تصدیقیہ بی ناظم
پاشا ایفا ایتدیردی .

کندیسی وکالتدن عزل ایتدیکمی ناطق غرغوره بازدیغ تذکرہ بی دہ ینہ
ناظر پاشا یاوریلہ مرقومک کدک پاشادہ کی اوینہ کوندرہ رک امضا ایتدیردیکی
مقبوضی بکا اعطا ایلدی .

بواشلر ایکندی وقتہ قدر ایفا اولندی . و ینہ اووقتہ قدرده کاغدلرک
تدقیقی نہایت بولدی .

آقشام اوزری دہ استنطاقزہ مباشرت ایلدی . استنطاق ، او قدر مسخرہ جہ
سؤاللردن عبارت ایدی کہ بدن سؤال اولہ جغنی آقشام اوکر ندیکم مادہ ایلہ قطعاً
مناسبتی یوقدی .

ایشتہ بر نمونہ سی :

برقاعده سنم ، محل ولادتہم فلان صورلدقندن صکرہ :

س — ذات عالیکنز فرماصونمیسکنز !

ج — نەدن صوریورسکنز ؟

س — البتہ بر لزوم اوزرینہ صوریلور ؟

ج — طبیعی . فقط کیم صوریور ، و اولزوم نەدن عبارتدر ؟

س — اوراسی سزہ عائد دکل .

ج — او حالہ بنم فرماصون اولوب اولما مقلغم دہ سزہ عائد مسائلدن دکل .

س — ذات عالیکنز صوریلان ہر سؤالہ جواب ویرمکہ مجبورسکنز !

ج — احتمال ! فقط صوریلان سؤاللرک بنم جلب و توقیفملہ و خصوصاً

تدقیق ایتمکدہ اولدیغکنز اوراق ایلہ مناسبتی اولق شرطیلہ . یوقسہ بویلہ ہیچ بر
فردک بدن اوکر نمکہ صلاحیتی اولیان بر کیفیتی اوکر نمک ایستہ جک اولور سہ کنز
هیچ بروقت قارشیکز دہ کی آدمدن اجابت بکلہ مامکنزی شمیدن اخطار ایدرم .

س — او حالہ !

ج — او حالہ !

س — جانم اقدام بوراده بولمقلغکز بزم طرفدن ، نظارتدن واقع اولمش برتحقیق نتیجه سی دکل . مابین هایوندن شرف وارد اولان اراده سینه اوزرینه جلب اولندیغکز معلوم عالیکزدرد . آنک ایچون هر نه سؤال ایدیلور ایسه هپ اراده سینه نك حکم جلیلی در .

ج — ظن ایتم .

س — فصل ظن ایتمزسکز . سزی بز کندیلکمزدن توقیف ایتمك . اراده سینه ایله توقیف ایتمك .

ج — آتی کیم سئلز .

س — اوילה درده نیچون جواب ویرمیورسکز .

ج — ماده توقیفیه ایله ماده سؤال آرمسند مناسبت کورم میورمده آنک ایچون جواب ویرمکی زاند بولیورم . چونکه (توفیق بکی جلب و توقیف ایدکزدده فرماصون اولوب اولدیغنی تحقیق ایدیکز!) بوللی براراده صدور ایتمامشدر . و ایدمز . چونکه پادشاه سزك گبی بدلا دکلدر . ذات هایون شاهانه نك فطانت فوق العاده ایله متخلق اولدقربی کندیلرله بردفعه ملاقی اولان رجال مشهوره اجنبیه نك وسفرای دولك كافه سی تصدیق ایتمکده در .

س — ماده توقیفیه ایله ماده سؤال آرمسند مناسبت اولدیغنی نرمه دن بیلیورسکز .

ج — دیدم یا . پادشاهك مسلم جهان اولان فطانت هایونلری بویله بر سؤاله مساع ویرمز .

(مابعدی کله چك نسخه ده)

ابوالضیا

